

Na osnovu člana 132. tačka a) i 142. Poslovnika Gradskog vijeća Bihać („Službeni glasnik Grada Bihaća broj 3/16 i 4/20), Gradsko vijeće Bihać, na 25. sjednici održanoj dana 28.06.2022. godine, donijelo je:

ZAKLJUČAK O PRIHVATANJU NACRTA STATUTARNE ODLUKE O DOPUNAMA STATUTA GRADA BIHAĆA

I

Prihvata se Nacrt Statutarne Odluke o dopunama Statuta grada Bihaća (u daljem tekstu: Nacrt Odluke).

II

Nacrt Odluke, stavit će se na javni uvid građanima u periodu od 29.06.2022. godine do 18.07.2022. godine, i to: u prostorijama Grada Bihaća – Info pult, u vremenu od 9,00-15,00 sati, objavom na web stranici grada Bihaća, te dostavljanjem Nacrta odluke političkim subjektima koji participiraju u Gradskom vijeću, mjesnim zajednicama i nevladinim organizacijama.

III

Prijedlozi, mišljenja i sugestije na Nacrt Odluke mogu se dostaviti u pisanoj formi do 20.07.2022. godine, radnom tijelu Gradskog vijeća kojeg čine:

1. Zulfikar Handukić, predsjednik Statutarne komisije
2. Hasan Fatkić, predsjednik Komisije za lokalnu samoupravu
3. Silvana Behić, član Komisije za lokalnu samoupravu
4. Maja Uremović, predsjednica Komisije za rad, zdravstvo i socijalnu politiku
5. Ibrahim Begić, sekretar Gradskog vijeća.

IV

Radno tijelo za provođenje javne rasprave dužno je naročito:

- a) osigurati da materijal, odnosno odluka koja je predmet javne rasprave bude dostupna javnosti,
- b) pratiti javnu raspravu i pravovremeno prikupiti sve prijedloge, mišljenja i primjedbe koje se iznesu na javnoj raspravi,
- c) održati završnu javnu raspravu,

- d) analizirati rezultate javne rasprave i o njima podnijeti izvještaj Vijeću i predlagaču materijala odnosno učestvovati u završnoj raspravi.

V

Radno tijelo za provođenje javne rasprave održaće završnu javnu raspravu, dana 20.07.2022. godine, s početkom u 9,00 sati, u Gradskoj vijećnici.

VI

Predlagač će uzimajući u obzir prijedloge i mišljenja sadržane u izvještaju radnog tijela za provođenje javne rasprave, utvrditi Prijedlog Statutarne Odluke o dopunama Statuta Grada Bihaća i podnijeti je Gradskom vijeću, na razmatranje i donošenje.

VII

Ovaj Zaključak stupa na snagu slijedećeg dana od dana objavljivanja u „Službenom glasniku Grada Bihaća“.

Gradsko vijeće

Broj: 01-02-131

Bihać, 28.06.2022. godine

Predsjedavajući Gradskog vijeća

Zulfikar Handukić

Na osnovu člana VI (2) Ustava Federacije Bosne i Hercegovine, člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06) i člana 150. Statuta Grada Bihaća („Službeni glasnik Grada Bihaća, broj 13/15 i 13/18), Gradsko vijeće Bihać, na 25. sjednici, održanoj dana 28.06.2022. godine, donijelo je:

Statutarna odluka o dopunama Statuta Grada Bihaća

Član 1.

U Statutu Grada Bihaća („Službeni glasnik Grada Bihaća“, broj 13/15 i 13/18), DIO DESETI – MJESNA SAMOUPRAVA, POGLAVLJE I. ORGANI MJESNE ZAJEDNICE, Odjeljak A. Savjet mjesne zajednice, u članu 91. iza stava (3) dodaje se novi stav (4) koji glasi:

„(4) Do potvrđivanja izbora novih organa mjesne zajednice, predsjednici mjesnih zajednica iz ranijeg saziva mogu poduzimati aktivnosti utvrđene Statutom Grada Bihaća i Statutom mjesne zajednice, a koje su neophodne za nastavak kontinuiteta u radu mjesnih zajednica.“

Član 2.

(1) U DIJELU JEDANAESTOM – NEPOSREDNO UČESTVOVANJE GRAĐANA U ODLUČIVANJU O PITANJIMA I SAMOUPRAVNOG DJELOKRUGA GRADA, U ČLANU 111. (Oblici neposrednog učestvovanja u odlučivanju i izjašnjavanju građana) Statuta Grada Bihaća („Službeni glasnik Grada Bihaća“, broj 13/15 i 13/18), iza tačke b) zbor građana, dodaje se nova tačka c) koja glasi:

„c) forum građana.“

Dosadašnje tačke c), d) i e) postaju tačke d), e) i f).

(2) POGLAVLJE II. pod nazivom „Zbor građana“ dopunjuje se riječima „i Forum građana“

(3) U POGLAVLJU II POD NAZIVOM Zbor građana, iza člana 122. (Obaveza razmatranja mišljenja i prijedloga iznesenih na zbor građana) dodaje se novi član 122a. (Forum građana), koji glasi:

„Član 122a.

(1) Forum građana mjesne zajednice je oblik neposrednog sudjelovanja i odlučivanja u mjesnoj zajednici gdje građani predlažu prioritete i pokreću aktivnosti od značaja za mjesnu zajednicu.

(2) Forum građana je neformalni oblik odlučivanja kojeg čine najmanje petnaest građana koji imaju prebivalište na području mjesne zajednice i koji se nalaze na biračkom spisku za to područje.

(3) Forum građana saziva predsjednik Savjeta mjesne zajednice, a u njegovoj odsutnosti zamjenik predsjednika Savjeta mjesne zajednice radi konsultacija građana vezanih za realizaciju projekata od značaja za mjesnu zajednicu. Forum građana može se sazvati i na inicijativu najmanje deset građana mjesne zajednice koji imaju prebivalište na području mjesne zajednice i koji se nalaze na biračkom spisku za to područje.

(4) Na sastanku Foruma sastavlja se zapisnik sa predloženim prioritetima i aktivnostima koji se usvajaju nadpolovičnom većinom prisutnih članova Foruma.

(5) Savjet mjesne zajednice obavezno se izjašnjava o usvojenim prioritetima odnosno predloženim aktivnostima na prvoj sjednici poslije održanog foruma.“

Član 3.

U Statutu Grada Bihaća („Službeni glasnik Grada Bihaća“, broj 13/15 i 13/18), DIO SEDAMNAESTI – ODNOS GRADA I GRAĐANA, IZA ČLANA 156. (Radno vrijeme i dostupnost Gradskog organa uprave građanima) dodaju se novi članovi koji glase:

„Član 156a.

(Osnivanje Zdravstvenog savjeta)

U cilju ostvarivanja i unapređenja prava pacijenata, kao društvene brige za zdravlje na području Grada Bihaća, gradonačelnik Grada Bihaća osnovat će Zdravstveni savjet.

Član 156b.

Zdravstveni savjet obavlja sljedeće poslove:

- a) predlaže i evaluira sprovođenje zdravstvene zaštite na području jedinice lokalne samouprave,
- b) daje mišljenje na planove i programe zdravstvene zaštite za područje lokalne samouprave, te predlaže mjere za poboljšanje dostupnosti i kvaliteta zdravstvene zaštite na svom području,
- c) prati primjenu propisa na području jedinice lokalne samouprave koji se odnose na zaštitu prava i interesa pacijenata,

- d) organizuje obrazovne kurseve za građanstvo iz poznavanja materije o pravima pacijenata i postojeće legislative,
- e) daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama,
- f) prati povrede pojedinačnih prava pacijenata na području jedinice lokalne samouprave,
- g) predlaže preduzimanje mjera za zaštitu i unapređenje prava pacijenata napodručju jedinice lokalne samouprave,
- h) bez odgađanja obavještava Zdravstveni savjet u kantonalnom ministarstvu o slučajevima težih povreda prava pacijenata koje mogu ugroziti život ili zdravlje pacijenata,
- i) podnosi Gradskom vijeću godišnji izvještaj o svom radu,
- j) obavještava javnost o povredama prava pacijenata,
- k) obavlja druge poslove određene ovim Zakonom o pravima, obavezama i odgovornostima pacijenata.

Član 156c.

(Ovlaštenje Zdravstvenog savjeta)

- (1) U obavljanju poslova iz djelokruga rada, Zdravstveni savjet je ovlašten upozoravati, predlagati i davati preporuke.
- (2) Odnos Zdravstvenog savjeta sa nadležnim organima državne uprave, organima mjesne samouprave, nadležnim ministarstvima, zdravstva, zavodima zdravstvenog osiguranja, zdravstvenim ustanovama, privatnim praksama, komorama iz oblasti zdravstva zasnivaju se na ovlaštenjima utvrđenim u članu 69. Zakona o pravima, obavezama i odgovornostima pacijenata i ovim Statutom.

Član 156d.

(Broj, izbor i mandat članova Zdravstvenog savjeta)

- (1) Zdravstveni savjet ima 9 (devet) članova uključujući i predsjednika koji se imenuje iz reda zdravstvenih i nezdravstvenih struka.
- (2) Izbor članova Zdravstvenog savjeta vrši se nakon objavljenog javnog poziva, koji raspisuje gradonačelnik.
- (3) Gradonačelnik je dužan raspisati javni poziv u roku od 90 dana od dana stupanja na snagu Statutarn eodluek.
- (4) Kandidat za člana Zdravstvenog savjeta treba da ispunjava slijedeće uslove:

- da ima završenu visoku školsku spremu (VSS);
- da je stariji od 18 godina;
- da je državljanin Bosne i Hercegovine;
- da ima prijavljenu adresu prebivališta na području grada Bihaća;
- da ima najmanje 3 (tri) godine radnog iskustva u instituciji, ustanovi, udruženju, nevladinoj organizaciji ili sindikatu ispred kojeg se kandiduje;
- da uživa ugled i ima evidentne rezultate rada u oblasti u kojoj djeluje.

(5) Gradonačelnik će imenovati Komisiju za provođenje javnog poziva, koja će na osnovu pristiglih prijava sačiniti listu kandidata koji ispunjavaju uslove javnog poziva, te istu dostaviti gradonačelniku.

(6) Gradonačelnik svojim rješenjem imenuje predsjednika i članove Zdravstvenog savjeta iz reda kandidata koji ispunjavaju uslove javnog poziva, a isto će biti objavljeno u „Službenom glasniku Grada Bihaća“.

(7) U procesu imenovanja članova Zdravstvenog savjeta, gradonačelnik će se brinuti o ravnopravnoj zastupljenosti oba pola.

(8) Članovi Zdravstvenog savjeta imenuje se na period od 4 (četiri) godine sa mogućnošću reizbora.

(9) Predsjedniku i članovima Zdravstvenog savjeta, mandat može prestati i prije isteka roka na koji su imenovani:

- smrću,
- na lični obrazloženi zahtjev,
- ukoliko neopravdano ne prisustvuju sjednicama,
- ukoliko odjave prebivalište sa područja grada Bihaća,
- na obrazloženi prijedlog predsjednika,
- ili iz drugih razloga.

(10) Imenovanje novog predsjednika/člana/članova izvršiće gradonačelnik raspisivanjem javnog poziva.

Član 156e.

(Sastav Zdravstvenog savjeta)

Članovi Zdravstvenog savjeta imenovaće se iz reda:

- a) pacijenata,
- b) mladih,
- c) gradskog organa uprave,
- d) komora iz oblasti zdravstva,
- e) udruženja za zaštitu prava pacijenata,

- f) stručnih udruženja,
- g) sindikata zdravstvenih ustanova,
- h) crvenog krsta/križa s područja grada,
- i) zdravstvenih radnika privatnih praksi na području grada.

Član 156f.

(Način rada Zdravstvenog savjeta)

- (1) Zdravstveni savjet donosi Poslovnik o radu Zdravstvenog savjeta kojim se pobliže određuje organizacija i način rada.
- (2) Administrativno-tehničke poslove za potrebe Zdravstvenog savjeta obavljaće Služba za civilnu zaštitu, stručne i zajedničke poslove.
- (3) Zdravstveni savjet predlaže Gradskom vijeću Plan i Program rada za svaku kalendarsku godinu najkasnije do 31.01. tekuće godine.
- (4) O svom radu i aktivnostima Zdravstveni savjet svake godine podnosi Izvještaj Gradskom vijeću najkasnije do 31.03. tekuće godine za prethodnu godinu.

Član 156g.

(Naknada za rad članovima Zdravstvenog savjeta)

Članovima Zdravstvenog savjeta pripada naknada za rad koje će biti utvrđena rješenjem gradonačelnika, a sredstva za rad Zdravstvenog savjeta biće obezbjeđena u Budžetu Grada Bihaća.

Član 156h.

(Čuvanje službene tajne)

Članovi Zdravstvenog savjeta u svom radu obavezni su postupati tako da ne ugroze obavezu čuvanja službene tajne, o čemu daju izjavu.“

Član 4.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Predsjedavajući Gradskog vijeća
Zulfikar Handukić

Gradsko vijeće

Broj:

Bihać,